

Bosna i Hercegovina  
Federacija Bosne i Hercegovine  
Kanton Sarajevo  
JU " FOND MEMORIJALA KANTONA SARAJEVO "

**PRAVILNIK O  
UPOTREBI, ČUVANJU I UNIŠTAVANJU PEČATA  
JU" FOND MEMORIJALA KANTONA SARAJEVO"**

Sarajevo, septembar 2019.godine

Na osnovu člana 66. stav (2) Zakona o organizaciji organa uprave u Federaciji Bosne i Hercegovine (Službene novine Federacije BiH", broj: 35/05), člana 2. Zakona o pečatu Kantona Sarajevo (" Službene novine Kantona Sarajevo" br.3/09, - Prečišćeni tekst, 36/15 i 15/18) a u vezi člana 11. Pravila JU" Fond Memorijala Kantona Sarajevo" (" Službene novine Kantona Sarajevo", broj: 26/19) i člana 20. Odluke o osnivanju JU " Fond Memorijala Kantona Sarajevo" (" Službene novine Kantona Sarajevo ", br. 28/18 i 11/19), direktor, *donosi*

**PRAVILNIK  
O UPOTREBI, ČUVANJU I UNIŠTAVANJU PEČATA I ŠTAMBILJA  
JAVNE USTANOVE "FOND MEMORIJALA KANTONA SARAJEVO"**

**POGLAVLJE I - OPĆE ODREDBE**

**Član 1.**

Ovim Pravilnikom utvrđuje se broj, oblik, sadržaj i dimenzije pečata i štambilja, način čuvanja i upotreba pečata i štambilja, te vođenje evidencije i uništavanje pečata i štambilja JU" Fond Memorijala Kantona Sarajevo"( u daljem tekstu: Fond Memorijala)

**POGLAVLJE II - OBLIK, BROJ I SADRŽAJ PEČATA I ŠTAMBILJA**

**Član 2.**

- (1) Fond Memorijala ima pečat.
- (2) Fond Memorijala ima jedan pečat okruglog oblika dimenzija 50 mm sa tri koncentrična kruga po vanjskim ivicama sa tekstom " Bosna i Hercegovina - Federacija Bosne i Hercegovine", u drugom koncentričnom krugu tekst " KANTON SARAJEVO" i u trećem koncentričnom krugu " Javna ustanova Fond Memorijala" Širokac 22.
- (3) Fond Memorijala ima jedan pečat okruglog oblika dimenzija 30 mm sa tri koncentrična kruga po vanjskim ivicama sa tekstom " Bosna i Hercegovina - Federacija Bosne i Hercegovine", u drugom koncentričnom krugu tekst " KANTON SARAJEVO" i u trećem koncentričnom krugu " Javna ustanova Fond Memorijala" Širokac 22.
- (4) Tekst pečata je istovremeno ispisan latinicom i ćirilicom.

**Član 3.**

- (1) Fond Memorijala ima štambilj.
- (2) Štambilji su četvrtastog oblika, različitih dimenzija i upisanog teksta, i to:
  - a) jedan štambilj pravougaonog oblika dimenzija 60 x20 mm sa tekstom: Bosna i Hercegovina, Federacija Bosne i Hercegovine, Kanton Sarajevo, Javna ustanova " Fond Memorijala Kantona Sarajevo", broj i datum;
  - b) dva mala štambilja pravougaonog oblika dimenzija 45x15mm sa tekstom Bosna i Hercegovina, Federacija Bosne i Hercegovine, Kanton Sarajevo, Javna ustanova " Fond Memorijala Kantona Sarajevo".

### III - UPOTREBA I ČUVANJE PEČATA I ŠTAMBILJA

#### Član 4.

- (1) Pečatom iz člana 2. ovog pravilnika se potvrđuje autentičnost službenih akata Fonda Memorijala.
- (2) Pečat se stavlja s lijeve strane pored potpisa direktora ili službene osobe ovlaštene za potpisivanje službenih akata i samo takav je pravno valjan i može poslužiti namjeni za koju je izdat.
- (3) Pečatom i štambiljom rukuje i upotrebljava ga direktor ili radnik koga posebnom odlukom ovlasti direktor. Odluka treba da sadrži: ime i prezime ovlaštenog radnika, poslovi i zadaci koje obavlja i u kojoj službi, oblik i broj pečata ili štambilja za koji je zadužen.

#### Član 5.

- (1) Pečat prečnika 30 mm naveden u članu 2. stav (3) ovog Pravilnika upotrebljava se potvrđivanje finansijsko - računovodstvenih dokumenata, kao i za ovjeru svih vrsta obrazaca dostavljenih Poreznoj upravi FBIH.
- (2) Pečat prečnika od 50 mm naveden u članu 2. stav (2) ovog Pravilnika upotrebljava su u svim drugim slučajevima.

#### Član 6.

- (1) Radnici ovlašteni za rukovanje i upotrebu pečata i štambilja dužni su tokom radnog vremena organizovati poslove tako da pečati i štambilji budu stalno pod nadzorom i ne smiju biti u posjedu ovlaštene osobe.
- (2) Pečati i štambilji se moraju čuvati i upotrebljavati tako da se onemogući njihova zloupotreba.
- (4) Poslije završetka radnog vremena, pečati se odmah odlažu i čuvaju u metalnom sefu koji se nalazi u kancelariji direktora.
- (5) Poslije završetka radnog vremena štambilji, koji se stalno drže na Protokolu, odmah se odlažu i čuvaju u zaključanim omarima, stolovima ili prostoriji čija je sigurnost osigurana.

### IV - EVIDENCIJA PEČATA I ŠTAMBILJA

#### Član 7.

- (1) U Fondu Memorijala se vodi posebna evidencija o svim pečatima i štambiljima koji su u upotrebi.
- (2) Evidencija se vodi na posebnom obrascu koji je sastavni dio ovog Pravilnika.(Prilog br.1)
- (3) Podaci o evidenciji pečata, unose se hemijskom olovkom plave boje, čitkim rukopisom. Pogrešno upisan tekst se precrtava horizontalnom linijom iznad koje se upisuje novi tekst i to ovjeravaju potpisom radnici ovlašteni za rukovanje pečatima i štambiljima.

- (4) Evidenciju o pečatima i štambiljima vode radnici ovlašteni od strane direktora, koji su odgovorni za blagovremeno i pravilno vođenje evidencije o pečatima i štambiljima, kao i tačnost upisanih podataka.

## V - UNIŠTAVANJE, ZAMJENA I OGLAŠAVANJE PEČATA NESTALIM

### Član 8.

- (1) Pečat/štambilj koji je, zbog istrošenosti ili iz drugih razloga, postao neupotrebljiv, mora se odmah uništiti, o čemu se stara radnik koji je ovlašten za čuvanje i upotrebu pečata.
- (2) Pečat/štambilj se smatra neupotrebljivim zbog istrošenosti, ako se iz njegovog otiska jasno ne vidi tekst koji daje otisak pečata/štambilja.
- (3) Uništavanje neupotrebljivih pečata vrši Ministarstvo pravde i uprave Kantona Sarajevo, a uništavanje neupotrebljivih štambilja vrši komisija koju imenuje direktor rješenjem.

### Član 9.

- (1) Direktor ili radnik ovlašćen za čuvanje i upotrebu pečata, dužni su odmah prijaviti nestanak pečata Ministarstvu unutrašnjih poslova Kantona Sarajevo i oglasiti u "Službenim novinama Kantona Sarajevo".
- (2) Nestali pečat smatra se nevažećim od dana oglašavanja u "Službenim novinama Kantona Sarajevo", a u slučaju kasnijeg pronalaženja, nevažeći pečat će se uništiti.
- (3) Novi pečat koji se izrađuje umjesto nestalog pečata mora biti posebno označen.

## VI - PRELAZNE I ZAVRŠNE ODREDBE

- (1) Stupanjem na snagu ovog Pravilnika, prestaju da važe odredbe Pravilnika o upotrebi i čuvanju pečata Fonda memorijala Kantona Sarajevo, broj: 13 - 341/09 od 28.08.2009.godine
- (2) Ovaj Pravilnik stupa na snagu danom donošenja, a bit će objavljen na web stranici i Oglasnoj ploči JU" Fond Memorijala Kantona Sarajevo".

Broj:13-01-02-429/19  
Sarajevo, 16.09.2019.godine



DIREKTOR  
Suad Ziadit, profesor  
JU FMKS

PRILOG broj 1

**OBRAZAC 1 - EVIDENCIJA O ZADUŽENIM PEČATIMA I ŠTAMBILJIMA**

A) Pečati

| Redni broj | Ime i prezime | Radno mjesto | Dimenzije pečata | Datum zaduženja |
|------------|---------------|--------------|------------------|-----------------|
|            |               |              |                  |                 |
|            |               |              |                  |                 |

B) Štambilji

| Redni broj | Ime i prezime | Radno mjesto | Dimenzije | Količina | Datum zaduženja |
|------------|---------------|--------------|-----------|----------|-----------------|
|            |               |              |           |          |                 |
|            |               |              |           |          |                 |

